


DE RECTA
ET VERA RA-
TIONE PROGIGNENDI
Lapidis Philosophici, seu
falis argentifici & aurifici
Dilucida & compendiosa
explicatio.

*Ad Illustrissimum Principem dei
gratia Electorem sancti Romani im-
perij, Archiepiscopum Colonensem,
Episcopum Leodiensem.*

Authore Gastone Clauco subpræside
particulari Niuernensi.



NIVERNIS,

Ex officina Petri Roufsin Typographi D.
Ducis Niuernensis & Rethelenfis.

M. D. XCII.

p

1800

1800

1800

1800

1800

1800

1800

1800

1800

1800

1800

1800

1800

1800

1800





ILLVSTRISSIMO

ET SERENISSIMO PRIN-
CIPi ERNEST, DEI GRA-
tia electo & confirmato Coloniae
Archiepiscopo, sancti Romani Im-
perij in Italia Archicancellario, &
Principi & electo & confirmato,
Episcopo Leodiensi, Heldischein, &
Freisinguae, Postulatore Munster,
Administratore Stauelot, Comiti
Palatino Rhenensi, Duci vtriusque
Bauierij, Vuesphalae, Duci Bouillo-
nensi, Marquiso Franchinon, Comi-
ti Fouqte & Horne, suaeque Celsitu-
dini, Gaston Duclo subpraeses parti-
cularis in foro Niuernensi foelicitate
peroptat.



*Idemus pra oculis, et) habe-
mus in manibus, Princeps il-
lustrissime, magnifica opera
marmorea à seruo tuo domestico, tibi-*

A ij

que obsequentissimo & ciue Urbis tuæ
 Leodiēsis sculptore & Architectore ex-
 cellentissimo Thoma Toletō constructa.
 Opera, inquam, omnium generum &
 diuersorum colorum marmorum, quæ
 tua ex patria Leodiensi huc aduecta
 sunt. Nec recusauit Toletus uenia pe-
 tita & iussu tuo hisce calamitosis tem-
 poribus in Gallia æstuantibus innume-
 ris sese obijcere periculis, cum iter consi-
 ceret, ut Principibus nostris Illustrissi-
 mis ducibusque Niuernensibus tibi que
 parentibus in his operibus construendis
 inseruiret. Quæ in re cum eorum excel-
 lentia gratissimam rem feceris, non mi-
 nori cum voluptate eorum desiderio à
 Toletō satisfactum est. Dicit enim non
 potest, quanta animi letitia expleti sint
 operi iam plures ante annos inchoato
 extremam manum impositam uidis-

5

se ab eo,inquam, qui tibi seruus est ob-
sequentissimus, Atque eò magis, quò
ea, quæ vix intra quinque lustra spe-
rare non potuissent, tam ingeniosè, tan-
taque omnium admiratione & dili-
gentia intra biennium expleuerit, ut
præstantius quidquam conspici nõ pos-
sit. Altare in æde diui Cirici ecclesiæ hu-
iusce Urbis Niuernensis, cathedrali
mira arte marmoreo opere adornauit:
Nec minori arte pilis & columnis mar-
moreis oratoriam stationem illustrissi-
morum ducum nostrorum in proximo
positam construxit: Statuas & imagi-
nes eorundem marmoreas ab anteces-
sore sculptore inchoatas perfecit, & su-
per eandem stationem oratoriam lo-
cauit: Sed & alia recens exculpsit. Tā-
ta arte omnia hæc confecta, ut qui cō-
spexere, nulla sculptorum opera in om-

nibus Gallia templis ecclesiasticis sed nec in longinquis alijs regionibus opulentiora, speciosa magis, aut pretiosa, aut ingeniosè sculpta vidisse se palam profiteantur. Quocirca ut artificis adeò ingeniosi maximaque laude digni memoria posteris relinqueretur, iusserunt Principes & Duces nostri illustrissimi nomen Thomæ Toleti ijsdem operibus marmoreis insculpi. Huiusce tam excellentis ornatus & decoris in ecclesia nostra cathedrali Niuernensi non solum Duces nostri Illustrissimi tibi gratiam habituri sunt, Princeps Illustrissime, sed tota hæc provincia dignas & meritas laudes nusquam celsitudini tue sufficientes referre poterit, cuius beneficio hominè potiti sumus adeo raro & experto in ea arte quā profitetur, ut vix alter toto orbe reperiat. Illius sanè fa-

*ma & celebris existimatio non solum
 in proximis sed & longinquis Prouin-
 cijs adeo percrebuit, ut à quampluri-
 bus Viris illustribus accersitus sit, qui
 tamen reditum ad tuam celsitudinem
 singulis momentis anhelans, ut tuis
 iussis obsecundet, obstringere se cuiquam
 semper recusauit. Virum hunc Toletum
 tuum, cum primum huc appulisset, con-
 ueni, cuius admirandum ingenium cum
 ex operibus oculis subiectis agnouissem,
 melioribus moribus à natura dotatum
 expertus sum. Cum nemine usquam
 obiurgare, nullius existimationi conui-
 tiosè detrudere, omnibus obsequiosum
 & amicissimum se præstare, & ijs im-
 munem esse acclamationibus, quibus nõ
 sine contumelijs & blasphemijs ple-
 nique huiusmodi hominum, qui ma-
 nuum opera victum sibi comparant,*

*uti solent. De illius Vita & morum
 probitate plura nō dicam, ipsi enim cel-
 situdini tuæ à multis temporibus, Prin-
 cept illustriſſime, cogniti, nobis ignoti
 non sunt. Sed ut ad hominis ingenium
 redeam, cum paucos post dies huc ap-
 pulisset, & familiariter cum eo conue-
 nissem, ratus fui aliquid eum de Chry-
 ſopæia subodoratum. Itaque ſciſcitatus
 ab illo itane in conficiendo illo philoso-
 phorum lapide ingenioſus eſſet, ut in
 ſculpendis & expoliendis marmoreis
 lapidibus, reſpondit modeſtè, ſe tanti
 ſecreti ignarum, ſutori ultra crepidam
 progrediendum non eſſe, ſed Principis
 excellentiſſimi ſervum eſſe obſequentiſ-
 ſimum, qui hiſce rebus delectaretur, qui
 viros pios & probos ſuſpiceret & ama-
 ret, improbos & impoſtores odio pro-
 ſequeretur. Celſitudinis tuæ Verba fa-
 ciens*

ciens ex ea audiſſe Vidiffe ſe ter proiectionem pulueris aurifici à quibuſdam, quorum alter alteri incognitus eſſet, factam in argētum viuum, quod in aurum veriſſimum mutatum fuiſſet, idque coram eadem tuà celfitudine. Hoc idem Vidiffe ſe actum in tua ciuitate Leodiienſi identidem aſſeuerauit. Teſtimonium tuum, Princeps illuſtriſſime, fidem certiſſimam facit non omnino fabuloſa eſſe, quæ de eo Lapide Philoſophico antiquitus ſcripta ſunt, nunc etiam referuntur. Cum autem Toletus Virtutem tuam eximiam atque admirandas animi tui dotes laudaret, ſatis autem laudare non poterat, nihilque aliud exoptaret quàm reditum ad tuam celfitudinem, cui Vitam ſuam omnēque obſequium deuoueret, putauit eandem celfitudinem tuam equa &

beneuola mēte accepturam, si quod par-
 tim vidi, partim quid de eo puluere
 aurifico sentio, nomini tuo dicarem. Sa-
 nè hæc, quantulacunque sint, prælo cō-
 mittere nisi post obitum meum primò
 decreueram. Verùm singularis bene-
 uolētiatua erga literarum secretiorum
 amantissimos, virtus & celsitudo tua,
 obsequium qualecunque meum quod
 eidem offero, & amicitia quam cum
 Toletò ex sympathia quadam natu-
 rali inij, me cōpulcrunt, ut hæc scribē-
 rem. Quæ tametsi prælo excusa sint,
 omniū præter celsitudinis tuæ obtutum
 & oculos effigient. Tanta enim miste-
 ria irrisoribus, impijs & indignis im-
 pertiri nefas est. Ferè omnia quæ verè
 hac de re proferri possunt, sine arrogan-
 tia dixerim, perspicuè declarasse me
 puto. Vnica est totius arcani clauis, quā

fidei Toleti commisi, sine qua tam admirandi secreti seraturæ aperiri non poterunt. Ipsa est causa efficiens, scilicet fornax, quæ æquabilitatem caloris et conuenientis præstare possit. Illam manibus proprijs meo consilio construxit, & ad modum caloris solaris in inferiora reflexi. Illius vires & effectus certissimos experientia didicimus. Hanc nullus, ut opinor tanta nec tam facili arte construxit. Totam vim in igne iacere puto in horum inanimorum corporum mixture. Ex ignoratione æquabilitatis illius ferè omnes metam optatam non attigere, nec attingent. Hanc igitur fornacem Toletus verbis aut pictura non describet aut pinget, sed re ipsa demonstrabit: Quædam etiam quæ oculis vidit non contemnenda, quæ in vulgus profun-

*dere perniciosum existimaui. Interim
Princeps illustrissime labores hos
meos equo animo amplectere.*

*Nixernis apud Ligerim
Calendis Aprilis.*

1592.





DE RECTA

ET VERA RATIONE
PROGIGNENDI

Lapidis Philosophici, seu
salis argentifici & aurifici
Dilucida & compendiosa
explicatio.



ARTIS, ut opinor, disputatum est à nobis in utramque partem in Apologia nostra, Argyropœia & Chrysopœia esset ars vera

necne. Præterea euidentissimis rationibus & demonstrationibus confirmatum est materiam argento & auro proximam siue semen auri aut quod seminis argentei aut aurei vicem gerit, esse argentum viuum tam vulgare quàm

quod reliquis corporibus metallicis inest, quodque sola egeat perfectione à causa efficiente & perficiente in Argyropœcia & Chrysopœcia. Hanc autem causam efficientem præcipuam diximus esse Argyrogoniam & Chrysogoniam, ignem verò externum, adiutricē. Sed perfunctoriè quidem de vtraque causa efficiente à nobis est disceptatū. Cum autem Argyrogonia & Chrysogonia ut causa efficiens præcipua præstantior & nobilior sit materiā quam informat, & perficit, nec illam natura perfecerit, sed tantū inchoatā reliquerit, quam ut ipsa eadem perficiat artificis manum veluti ministram expectat, de illa, inquam, luculentiùs differere & definire quàm in Apologia apud me constitutum est, ut stipulationi à me sponte cōtractæ sub finem eiusdem Apologiæ aliqua ex parte satisfaciā. Hoc autem eò libentiùs aggredior, quòd videam plerosque labores multos atque infinitos non sine magnis sumptibus impendere experiendo quæ passim & ut plurimū sine ratione scriptis tradi-

Propositio.

ta sunt ab his, qui artem hanc profitentur, & tandem ex tantis laboribus nihil aliud quàm versuram facere. Quorum omniū me miseret, eosque à via aberrantes in rectā reuocare officiosum esse putavi. Ex tantis enim laboribus nullos laudabiliores, faciliores, & minorū sumptuum demonstrabo, quàm qui in quærandā vestigandaque Argyrogonia aut Chrysogonia (quam nunc lapidem Philosophicum aut salem argētificum aut aurificum appello) à viris pijs bona fide impensi sunt, aut impendētur. Quocirca, vt in Apologia diximus, in huiusce salis aurifici inuestigatione cæteris omnibus explosis Chrysopœiæ studiosos omnem operam collocare oportet.

2. SED NE frustra in ipsius inuestigandi & perficiendi ratione laborare videamur, propiùs quærendum est, cur salem aurificum nominemus, cur etiā hac vi aurifica præditus argentum viuū vulgare aut quod metallis inest, in verissimum aurum perficiat. Hæc igitur est ratio & causa. In omni corpore mi-

*Cur lapis
Philosopho-
rū sal au-
riferū ap-
pelletur.*

sto, quatenus sola mixtionis ratio habe-
tur, plures & variæ substantiæ arte pro-
liciuntur. Quæ generaliter in duas se-
cantur, scilicet in humidum & siccum,
quòd ex aqua & terra eorum materia
potissimùm constet, quamvis aëris &
ignis substantijs etiam constet. Sed hu-
mida substantia veluti aqua in vaporē
aut exhalationem igne agente rarefcit
& eleuatur. Sicca verò substantia velut
terra subsistit & fixa est. Rursus ytraq;
substantia bifariam distribuitur. Quæ
enim humida est, altera est aquea aquæ
qualitates referens, scilicet frigiditatis
& humiditatis, altera aerea seu oleagi-
nea aeris qualitates referens scilicet hu-
miditatis & caloris. Quin & utraq;
tenuitate aut crassitiæ distinguitur. Quæ
enim plus terre obtinet, crassior est, quæ
minùs, tenuior. Non enim pura est a-
quea substantia, sed etiam aliorum ele-
mentorum scilicet aeris & ignis substā-
tia constat. Sicca etiam in puram &
tenuem & impuram & crassam sece-
ditur. Pura enim & subtilis salis naturam
& nomen obtinet, partim terræ quali-
tatem

tatem scilicet siccitatem, partim ignis
 scilicet caliditatem referens. Impura
 verò & crassa est veluti reliquarum sub-
 stantiarum tex, quæ calore igneo excel-
 lente in vitrum mutatur. Has omnes
 substantias varias re ipsa facili-
 mècerni conspiciamus è corporibus debi-
 lioris mitionis, quæque heterogeneis
 constant partibus, vt lignis, ægerrimè
 verò è corporibus uniformis mitionis,
 quæque similaribus constant partibus.
 Cum enim ligna exuruntur, exudat hu-
 mor quidam alimentarius, qui aqueus
 est & tenuis. Inflammat alius, qui æ-
 reus est & tenuis. Abolita flamma in
 carbone continetur partim aquea, par-
 tim oleaginosa substantia, sed vtrique
 crassior. Secretis his substantijs reliquus
 est cinis, ex quo per lixiuium educitur
 & percolatur sal, calore enim agente
 aqua lixiuij in vaporem abit, & quod
 imo vasis subsidet terreum gustu sal-
 suginosum esse deprehenditur. Educto
 autem sale qui superest cinis, ille est, qui
 in vitrum liquatur calore igneo agen-
 te. Hunc cinerem per translationē ter-
 ram mortuam & crassam appellant,

18 DE RECTA ET VERA, &c.
quòd nullis prædita sit facultatibus: Re-
liquas verò spirituosas, tenuissimæ ef-
sentia & veluti viuas, quòd admirabi-
les agendi facultates obtineant. At ve-
rò harum omnium efficacissima est sa-
lis substantia, seu agendi facultatē spe-
ctemus, Est enim sal igneæ naturæ ob
calorem præsertim, vt qui igne diutur-
no & vehementi proliciatur, seu patien-
di potestatem consideremus, Est enim
terreæ naturæ, quæ vi ignis non supera-
tur, seu tenuitatem substantiæ eiusdem
salis intueamur, quòd à fecè terrea im-
pura & crassa vindicatus sit. Idcirco pe-
netrat & subit partes solidas. Hæc igitur
est causa, propter quam solo sale au-
rifico egeamus. Quippe quòd in illius
substantia insita sit vis & facultas ignea,
quæ argenti viui indefinitam humidi-
tatem coerces & temperat, & terrea &
fixa, quæ eandem sistit, inspissat, & figit:
Metalla quoque reliqua in aurum per-
ficit. Tandem verò eadem aureo in-
trinfeco colore fixo tingit. Sal enim
terra est purissima. Et corporum om-
nium mistorum color est ex terreo pu-
rissimo subtili & misto & vnito. Hinc

appellata est hæc ars Halchemia. Hals enim Græca voce sal est, & chemia, fusio. Quasi finis huiusce artis non sit alius, quàm docere qua via & ratione sal aurificus fusilis cōficiatur. Quod Chrysippus Fauianus assecutus videtur. Experimento autem didicerunt eiusdem artis authores magnam vim sali inesse. Aqua enim acris quæ destillatione à sale petre & calchanto arte prolicitur (quæ nihil aliud est quàm subtilitas eorundem) argentum viuum concoquit, & in colorem subcroceum calore agēte sistit, quem præcipitatum vocant. At non figit perpetuò, quòd aqua fixa non sit. Sed pulvis seu sal noster aurificus, cum omnem vim ignis toleret, nec minùs, imò valentiùs quàm aurum eidem resistat, perpetua fixatione figit argētum viuum, vt imposterum ab ignis vitutū sit, nec ralescat, nec in vaporem abeat. Nec mirum est tantam vim huic sali inesse, Quippe quòd ab ignaua, imbecilla, atque humida natura, necnō & crassa, terrea atque impura, vindicatus in spirituosam & igneam naturam nobilitatus sit. Et cum in eo dominium

ignis habeat, celerrimè penetret, & argenti viui partes intus subeat, & in impuris metallis effectus ignis producat, qui sunt purgate, heterogeneous partes excernere, numidum interminatū definire, & ad æqualitatem reducere, atque his de causis reliqua metalla in aurum perficere. Hinc magnus apud medicos vsus est salium, vt præterea tanto simplicium variorum aceruo in remediorū cōpositionibus opus nō sit. Quid? Nonne qui sacris his initiantur, norunt vi salium ex ære & ferro arte prolicitorū argentum purgare, & indefinitum illius humidum definire & in aurum verissimum perficere? Conficitur enim malagma ex auro & argento cum emundato argento viuo, & exprimitur in corio. pars argenti viui, quæ perfluit, Et qui reliquus est globus his salibus chrysocolia addita obuoluitur testaceo in vase, hinc primū imbecillo calore, deinde paulatim aucto concoquitur, & tandē vehemētiori igne liquatur. Quod imo vasis testacei subsidet, regulum appellāt, & est massa quædam solida, quæ examini regio scilicet cimenti expolita

*Argenti in
aurū mu-
tatio.*

purgatur, & quod superest, totum est aurum. Sic argentum mutatur & perficitur in aurum. Neque aliunde huiusce perfectionis causa proficiscitur quam à facultate salium æris & ferri, quanquam etiam aurum & argentum viuum adiuuent. Sed nihili æstimādi sunt hi sales, si cum sale nostro aurifico comparentur. De eius vi & facultate plura paulò pòst.

3. N V N C igitur salis huiusce aurifici vel lapidis philosophici rationē aggre-
diemur. Natura enim sola nisi arte adiuta eo potiri nobis denegauit. Equidem à perito artis, qui coram edoceret, solidiùs demonstrari, quàm rationibus confirmari posset. Hæc enim ars ex ijs est, quæ non nisi oculorum & cæterorū sensuum testimonio fidem faciunt, cū effectus salis aurifici re ipsa demonstrā-
tur. Verùm cum pauci sint, qui artis præceptiones didicerunt, pauciores qui eam scriptis verè & aperte tradiderint, paucissimi aut nulli, qui re ipsa demonstrare velint, aliunde præceptores accersendi sunt, qui non solum artis præ-
ceptiones edoceant, sed & de omnibus

quæ à plerisque scriptis tradita sunt, verè discernere & diiudicare demonstrent. Præceptor is est natura, in cuius, operumque illius contemplationem incumbentes nusquam à recta via aberrabimus, præsertim in inuestigatione & perfectione salis nostri aurifici. Sed ipsa natura manum artificis exposcit, quæ ei subministret materiam, ipsa autem agat. Primum igitur in naturæ opera incumbemus, si causas ordinem & modum solius naturæ in corporum mixtorum procreatione generaliter contemplati fuerimus: Deinde in quibus naturam imitari possumus, in quibus verò, non: Hinc quæ sint artis partes: Postremò methodum & modum agendi apertè declarauerimus. Hæc sunt, quæ ordine tractanda proposui.

Ordo dicendorum.

De causis rerum naturalium.

4. DE causis naturalibus solis ortus aut interitus corporum naturalium & cæterarum mutationum eorundem pauca dicam, Quandoquidem hæc è Phisicis fontibus haurienda sunt, & quædã in Apologia nostra attigimus. Id solum repetam, materiam ex qua aliquid fit, & causam efficientem à qua fit potissi-

mum desiderari. Illam pati, ut formam suscipiat, hanc agere & formam eidem insculpere, tanquam sculptorem lapidi & sigillum ceræ figuram. Diutius igitur in causarum naturalium cognitione non immorabimur, Sed propius ordinem & modum agendi naturæ contemplabimur. Hi enim operi nostro plurimum inserviunt.

§. INTVENTES igitur acutissime ordinem naturæ quem servat in tota hac rerum universitate, quas procreat, videmus primum ipsam in uniuocis generationibus ex aliquo corrupto semine gignere, In æquivocis autem corpus, quod seminis vicem gerit. Postremò utrumque perficere. Atque hic ordo est naturæ inuiolabilis. Plantæ enim pleræque & perfecta animalia semen prius proferunt, quod deinde perficiunt. Cælum & astra compositum corpus aliquod corrumpunt & putrefaciunt, & ex putredine producitur corpus quoddam humidum, quod est veluti seminarium, cui inest proportio quædam cælestis caloris, quo idem ipsum perficitur. Sed & metallorum & mineralium

& omnium quæ in venis terræ gignuntur materia proxima ex corruptione alterius præcedentis gignitur, quæ postea à causa efficiente perficitur.

6. S V N T autem longè diuersæ ortus & interitus seu generationis & corruptionis species à perfectionis specie. Quod maxime animaduertendum est, quodque totum huiusce operis arcanū detegit. In omni generatione, cui comes est perpetua & indiuidua corruptio, corpus ex quo semen producitur, non totum mutatur in semen, sed portio purior. Plantæ & animalia ex alimentis semina sua proferunt, Semen enim omne excrementum est vtile alimenti. Sic corpus ex cuius corruptione animalia gignuntur, non totum in seminarium animalium mutatur, sed portio quædam. Et cum ignis ex ligno generatur, tota ligni substantia in ignē non vertitur, sed æthere tantum portio, Aquea autem substantia euanescit, & terrea subsidet vt cinis. Præterea generatio est substantiæ, quæ prius non erat, siue à non Ente ad Ens: Corruptio vero substantiæ quæ prius erat, siue Entis ad

*Differētia
generatio-
nis & cor-
ruptionis
à perfe-
ctione.*

ad non Ens. In corruptione corporis misti, fit resolutio substantiarum ad primam materiam, id est ad elementa ex quibus mistum concretum erat. At in generatione fit eorundem secretorum mistio. At cum semen aut quod vicem feminis gerit, perficitur, nihil ex quantitate feminis deperit, imò plerunque augetur. Ouum enim cum excluditur, fracto putamine nihil reliquit in cortice, sed totum mutatum reperitur in pulum. Semina animalium, cum perficiuntur, nihil eorum substantiæ deperit, imò augentur. Seminis substantia cum perficitur, eadem est, quæ prius erat, nec fit mutatio non Entis ad Ens. In perfectione nulla fit resolutio aut secretio substantiarum, sed omnes persistunt, sine intertrimento, licet mutantur, ut in ouo, cum ex eo fit pullus. In summa generatio & corruptio, & perfectio ad diuersos fines diriguntur.

7. S c r i o multos aduersus sententiã hanc insurrecturos. Negabunt enim semen perfici, sed corrumpi, & ex corrupto semine generati animal. Cum enim generatur animal, prius nõ erat, & quod

Quæ aduersus superiora dicuntur,

fuerat prius semen, corrumpitur, & iam non est. Hinc celeberrima illa quaestio agitata est, An in semine anima, ut puta canis, quæ illius est forma, sit actu an potestate tantum, Et an eadem sit seminis forma, & alia eius, qui ex eo semine gignitur, scilicet canis, An verò in utroque eadem anima aut forma sit. Fernelius Ambianensis ille summus Philosophus & medicus sub persona Eudoxi aduersus Brutum disputans libro priore de abditis rerum causis multis rationibus & argumentis contendit in materia ne minimùm quidem formæ præexistisse, sed ubi ad summam præparationem ventum fuerit, statim & momento formam extrinsecus accedere veluti quadam inuitabili necessitate. Hanc opinionem Iulius Scaliger subtilissimus Philosophus ambiciosam nimis arguit, & euidentissimis rationibus & ex autoritate Aristotelis animam aut formam canis esse actu in semine canino confirmare videtur, Et semen caninum esse canem imperfectum, Perfici autem semen ab anima seu forma canis, quæ est præcipua canis substantiæ

pars, veluti causa efficiente. Hanc canis formam seu animam sensibus per functiones non percipi, sed ratione per intellectum. Sic & in ovo avis esse formam actu, sed ouum auem esse imperfectam: Nec corrumpi ouum dum gallina ouis incubat, sed perfici. Sic in cæteris seminibus. Quod si mihi in tam pugnantibus celeberrimorum virorum sententijs meam interponere liceat, existimarem dicendum, formam actu priori aut posteriori considerandam esse. Prior formam ipsam constituit, Actus enim forma est, quæ inchoata aut imperfecta dici non potest, quippe quod substantiæ magis aut minus non recipiant, ut in Physicis confirmatur. Posterior verò actus formæ actiones & functiones exercet. Catellus nondum generat, canis tamen est actu, At cū ætate perfectiori fuerit, semen generabit. Sic in semine formam esse actu priori, posteriori minimè, Sed tum demum, cū perfectum fuerit semen, posteriorem adijci. Neque propterea formam esse imperfectam, sed semen aut compositum. Quod autem obijcitur, cum canis ex

femine gignitur, generationem esse, nō enim ante erat canis, & semen desinere esse semen, cum antea fuisset, sic diluendum esse, Substantiam canis non generari, sed accidens seu actum substantiæ canis posteriorem, quæ non sit vera generatio. Actus enim ille posterior, proprietas & accidens est, quod nondum erat in femine priusquam canis esset: Sed substantia dici nō potest, quod substantiæ accadat, neque per se subsistere possit. Sic cum canis crescit, formā aut materiam canis non crescere, sed canē integrum. Magni profectō momenti est hæc quæstio etiam in proposito negotio salis nostri aurifici, vt mox subiungemus. Nam tametsi ex numero generationum æquivocarum sit, nihilominus idem quod in vniuocis iudicandum est. Attamen in vnum omnes cōsentiunt & conspirant, animam rationalem hominis antea in femine actu non fuisse, sed à Deo creatam & extrinsecus foetui infundi, & immortalem esse. Quæ sententia verissima est, & extra omnem cōtrouersiam. Idcirco Scalliger tres generationum ordines sta-

tuit, vnā vniuocam, cuius parentes sunt
 causæ efficientes sibi que similes produ-
 cunt: Aliam æquiuiocam, cuius parens
 est cœlum & astra, nec sibi similia pro-
 ducunt: Et animam rationalem homi-
 nis, cuius solus Deus creator est, quæ cū
 infunditur, ceteris animabus, quæ erant
 in semine, scilicet vegetabili & sensiti-
 ua abolitis, vnica supersit, idque ex *Ita sentit D.*
Thomas
 theologorum sententia.

8. HINC Perfectio definiri potest, *Perfectio*
 vt sit eius, quod iam est in rerum natu- *quid sit.*
 ra & actu priori, ad posteriorem pro-
 motio, vt cum ex semine canino fit ca-
 nis. Perfectio autem omnis dicitur aut
 simpliciter, aut comparatè. Itaque se-
 men simpliciter dictum, perfectum est,
 comparatè, imperfectum. Rursus com-
 parata perfectio est, vel substantiarum
 ad innicem, vel earum ad accidentia,
 vel accidentium ad accidentia. Vt in
 simplicibus corporibus, ignis substan-
 tia perfectior est substantia aeris, quod
 in igne sit plus actionis. Sic & aer aquâ,
 & aqua est terrâ perfectior. In mistis cor-
 poribus homo perfectior bruto, brutum
 planta perfectius. Planta inanimis cor-

poribus perfectior. Sed & omnis substantia accidente perfectior est. Et accidentia alia alijs perfectiora, calor frigore perfectior, frigus humido perfectius, humidum, sicco. Finis autem perfectionis & scopus alius est, ut perfectum agendi facultatem acquirat, quæ prius illi non inerat, ut animal cum potest, semen generat. Alius, ut perfectum patiendi facultate potiatur, ut vir perfectæ ætatis perferendis laboribus potentior est infante. Sed hæc patiendi potentia inanimis corporibus magis propriè conuenit, quàm animatis. Hæc enim agendi potius quàm patiendi, illa patiendi potius quam agendi munere funguntur & definiuntur. Gradus etiã sunt perfectionis, Vir enim ætate perfecta generat, at nec infans nec senio iã confectus. Neque tamen hosce perfectionis gradus in forma constituimus: Non enim anima infantis per se plus minusue agit anima viri, sed per actum posteriorem, qui est proprietas & accidēs, acutiùs aut hebetiùs agit. Hæc omnia maximè animaduertenda sunt.

9. M O D U S verò perfectionis orti

iam à natura seminis concoctione ex- *Modus per*
 plicatur. Est enim concoctio auctore *fectionis.*
 Aristotele perfectio à naturali calore
 ex oppositis patibilibus. Patibiles au-
 tem qualitates sunt subiecta cuique rei
 materia, vt semen. Huiusce concoctio-
 nis tres sunt species, Pepansis siue ma-
 turatio, quæ est humoris in humido se-
 mine existentis & indefiniti à calore
 naturali concoctio facta. Epsefis seu
 clixatio, quæ est humoris interminati,
 qui est in humido ab humido calore
 concoctio. Optefis seu asslatio, quæ est
 eiusdem humoris interminati à calore
 sicco concoctio. Hæ omnes concoctio-
 nes tam à natura quàm arte fiunt, Sed
 Pepansis magis est à natura, reliquæ ab
 arte. Ptopriè autem aut metaphoricè
 seu per translationem dicuntur. Qui
 plura his desiderabit, Aristotelem con-
 sultat libro meteorologicorum quarto.
 Modus autem hic agendi, perficiendi
 & concoquendi plantarum & anima-
 lium semina soli naturæ cognitus est.
 Illius enim naturæ seu animæ instru-
 mentum calor est naturalis, qui elemē-
 to stellarum proportionem respōdet, quæ

ars imitari non potest. Aliter autem scres habet in inanimis corporibus, quæ solam missionis rationem habent, vt in femine falis nostri aurifici & metal-
lis perficiendis, vt in Apologia demō-
strauimus, & posthac magis erit per-
spicuum.

10. H I S ita explicatis in operibus, quæ sola natura ex sese nullius artis ope profert, deinceps quærēdum, an eorum omnium habenda sit ratio tam in falis nostri aurifici quàm auri procreatione, quæ non à sola natura fit sed arte adiu-
trice eidem subministrāte, Tum in qui-
bus ars imitatur naturam, in quibus ve-
rò non. In his igitur ars naturæ sequi-
tur vestigia. Sicut natura sine materia aut subiecto nihil agit, sic nec ars. In
omni enim opere tam naturę quàm ar-
tis primùm materia quæritur. Hęc au-
tem materia aut est remota, aut est pro-
xima, quæ semen est, aut quod obtinet
locum seminis. Sed remotam ad pro-
ximam reduci oportet, Quod perinde
est, ac si dixerim ex ordine naturæ se-
men priùs generandum esse. Sic & ars
non materiam quamlibet sed proximā
quærit,

*In quibus
ars naturā
imitatur.*

quærit, id est semen tam salis aurifici, seu lapidis philosophici, quàm auri perficiendi. Nec semen sufficit, sed causa efficiēte opus est, quæ vel formam materiæ insculpat, id est semen generet, in quo est forma, vel ipsum eadem perficiat. Sic semine salis aurifici, vel auri quæsito, ars inuestigat causam efficientem naturalem propriam, quæ ipsum perficiat. Finis naturæ est forma, vel orti seminis perfectio. Sic & finis artis. Modus naturæ in perficiendo semine est Pepsis, Epsepsis & Optesis. Modus artis est species Epsepsis & Optesis.

II. At in his ars naturam imitari non potest. Natura enim aurum productura materiam propriam in mineris profert, quæ est auri semen, quod est ex Aristotelis opinione vapor mistus terreo subtili. Vapor hic, aut si quid aliud (nō enim inter se consentiunt authores de materia aut semine metallorum) artis materia aut subiectum aut semen non est, nec esse potest, ut ex eo aurum producat, sed aliud habet semen ex nature sinu depromptum. Natura generat semen, deinde ipsum perficit. Ars nec ge-

*In quibus
ars nō potest imitari
naturā.*

nerare nec perficere potest, sed iuuare vt perficiatur. Natura enim causa est efficiens præcipua, ars tantum adiutrix. Naturæ in perficiendis metallis causa efficiens ex Aristotelis decreto est frigidum & siccum. Arti causa efficiens est calor. Natura nusquam sola sale aurificum produxit, nec potuit, quod igneo calore non vtatur. Ars naturam adiuuat, vt à causa efficiente naturali sal aurificus producat. Natura longo temporis spatio aurum generat in mineris terræ. At reliqua metalla & argentum viuum, quæ sunt auri semen, natura aut quod ex re naturali ortum habet scilicet sal aurificus fusilis perficit in momento per projectionem, igne adiuuante, qui & naturalis est. Sed artis auxilio in conficiendo sale illo aurifico opus fuit.

Partes artis quæ sunt. 12. Artis igitur partes sunt, semen inuestigare tam sali nostro aurifico seu lapidi Philosophico, quam auro perficiendo proprium. At vtrumque naturæ liberalitas nobis vltro obtulit, & habemus in manibus. Aurum enim & argentum viuum suum, vt mox subiiciam,

sunt semen salis aurifici: Et argentum viuum & metalla reliqua sunt semen auri. At illa salis aurifici & auri semina natura imperfecta reliquit, nec vltra progressa est. Sed ars eandē adiuuat naturā vt perficiantur. Nec minori liberalitate natura sed veluti prodiga causam efficientem donauit, quā semina. Hæc enim causa efficiens est ignis & calor externus, certa tamen proportionē & determinatis gradibus caloris in progressu operis administrandus. In omnibus enim corporibus inanimis, quæ sola mixture perficiuntur, causa generalis efficiens est ignis. Atque hic ignis naturalis est, neque longius inuestigandus, sed eum vt semina in manibus etiā habemus. De naturæ igitur liberalitate, quæ semen & causam efficientem protulit, nobis non erit conquerendum, sed de turpi nostra ignoratione, si idem semen perficere ignorauerimus.

13. Sed quemadmodum perfectionis seu actus posterioris, qui à sola est natura in semine iam orto, finis & scopus est varius, sic in semine nostro salis aurifici, aut semine auri perficiendo, finis

Finis & scopus perfectionis varius est.

est diuersus. Finis enim feminis in sa-
 lem aurificum perficiendi est, vt agen-
 di facultatem ei comparemus. Aurum
 enim, quod est pars eiusdem feminis,
 est imperfectum, nec agit in argentum
 viuum aut metalla, nec ea perficit, sed
 ita demùm cum in salem aurificũ per-
 fectum erit. Finis autem argenti viui
 & reliquorum metallorum perficiendo-
 rum in aurum est, vt patiendi potesta-
 te potiantur. Ipsa enim sine sale aurifi-
 co in aurum perficiente ab igne corrũ-
 perentur, & partim in fumum, partim
 in fecem abirent.

Modus a- 14. Modus autem in genere quo hæc
gēdi in hac femina perficiuntur sunt, scilicet Epse-
arte gene- sis & Optesis, Quæ non propriè sed per
raliter. metaphoram & translationem, vt dixi,
 appellantur. Humidum enim horum
 feminum indefinitum & interminatum
 concoctione partim à calore in humi-
 do, partim à calore sicco definiuntur, &
 posteriorem actum sibi arte adiutrice
 comparant. Longè autem plus artis est
 in perficiendo semine salis aurifici, quàm
 in perficiendis metallis aut argento vi-
 uo in aurum. Hæc enim sola proiectio-

ne eiusdem salis aurifici statim igne agente in aurum purissimum perficiuntur. Argentum enim viuum metallorum purgatur, & impura fex ab eo fecernitur, & eiusdem argenti viui metallorum necnon argenti viui vulgaris humidum interminatum & indefinitum concoquitur, & terminatur, & sic transit in aurum. At semen salis nostri aurifici longiori labore & temporis spatio, ~~ut~~ ut perficiatur, indiget. De modo agendi vberius paulò post dicam, cum praxim integram patefaciam.

15. Sed cur aurum sit semen salis nostri aurifici, at non solum, sed pars eius, & cur ei admisceatur argētum viuum, nunc etiam disputandum est. Sanè aurum præcipuam esse feminis partem necesse est, cum probauerimus finem alterum Chrysopœiæ esse auri in salem mutationem, quod & omnium qui veriùs & seriò in eadem versati sunt, authoritas suadeat, & ratio confirmat. Solum autem aurum nō esse feminis nostri materiam, vel ex eo constat, quòd solum nec corrumpi nec magis perfici vlla arte possit : tum verò quòd omnis

Aurū solum non esse semen salis aurifici.

ortus ab humido sumat exordium, &
 in siccum desinat, vt videmus omnia
 animalium semina humida primum es-
 se, deinde sicca. Sic & de fructibus e-
 uenire ipsa docet experientia. Aurum au-
 tem cum actu sit siccum, & perfectione
 maiorem in natura auri assequi non pos-
 sit, iudicauerunt antecessores, & recte
 quidem, aurum in humidum prius sol-
 ui oportere, quod deinde ab agente pa-
 ti possit, vt perficiatur. Nam tametsi au-
 ri materia simpliciter perspecta perfe-
 cta sit, tamen est imperfecta comparata
 materiae eiusdem in humidum mutatae.
 Hac enim solutione fit dilatatio subti-
 litatis & tenuitatis substantiae, & inten-
 sio qualitatum agentium. Itaque aurum
 in natura nondum est pars seminis au-
 rifici nostri, sed postquam in humidam
 substantiam mutatum est. Sed neque
 haec auri substantia soluta tota est se-
 minis materia, vt dixi, sed pars tantum,
 seu quod in humidum mutari, nec mu-
 tatum perfici possit sine alterius humi-
 di mistione, Non secus ac granum fru-
 menti in terra satum, nec germen hu-
 midum edere, nec se ipsum perficere &

propagare potest sine humoris circum-
ambientis mistione. Humidum igitur
 quod aurum in humidam substantiam
 soluit, est altera pars substantialis semi-
 nis nostri aurifici. Et vtrumque mistum
 est ipsum semen, quod sola indiget cō-
 coctione, vt perficiatur.

16. SED vt huiusce artis professores *Diversæ o-*
 vnanimi consensione auri substantiam *piniones de*
 in humidum solutam alteram esse se- *humidi*
 minis partem inter se consentiunt, ita ex *materia*
 aduerso in altera eiusdem seminis par- *quod sol-*
 te, quænam illa sit, quæ auri soluendi *uendo au-*
 facultatem habeat, maximè inter se dis- *ro est ne-*
 crepant. Quidam aquas esse ex mine- *cessarium.*
 ralibus arte destillatas, alij ex animali-
 bus, alij ex vegetalibus, alij ex his om-
 nibus mixtis prolicitas professi sunt.
 Et videntur passim plurima à Raymū-
 do Lullio scripta nihil aliud docere, si
 modò horum author sit Lullus, aut po-
 tius illi adscribantur. Sed illis & cæte-
 ris huiusce opinionis adstipulari mini-
 mè possim. Humidum enim quod sol-
 uit aurum ab argenti viui fluxilis natu-
 ra corrumpi, & mutari non oportet, nec
 madefacit, nec alij corpori adhæret, ne-

que miscetur, nec vnitur & figitur tandem vera vnione & fixatione præterquã auro, & vnà cum auro in salem aurificum perficitur. At aquæ illæ acres destillatæ argenti viui fluxilis naturam exuerunt, madefaciunt quod tangunt, vt aqua & oleum; nec adherent aut miscentur vera mixture, nec vlla arte figuntur cum auro, aut in salem aurificum cum auro perficiuntur, imò in examine secernuntur, exuruntur atque in fumum abeunt. Rectius igitur iudicant, qui argentum viuum fluxile alteram esse seminis philosophici partem professi sunt, quod verè soluit aurum in argentum viuum, eique vnitur, & in salem aurificum perficit. Quippe quòd vnus sint nature. Igne enim aurum fustum videtur esse argentum viuum fluxile, hoc verò ab igne semotum aurum colliquatum. Verùm & hi qui argentum viuum alteram seminis partem esse asserunt, & auri soluendi facultatem habere, & cum eo vniri pronuntiant, etiam inter se dissentire videntur quodnam sit illud argentum viuum, an vulgare, an quod ex metallis arte prolici-
tur,

tur, & à quo potissimum, & an ex plūbo, an ex stanno, an ex bisemuto (stannum glaciale appellant) an ex stibio.

Qui enim argentum viuum vulgare partem esse seminis nostri negant, frigidiorē qualitatem causam esse propter quam soluendi auri facultatem nō habeat, asserunt: humiditatem autē nimis indefinitam, volatilem & spiritua-lem, propter quam figi cum eo nō possit. Argento autem viuo ex cæteris arte prolicito maiorem à natura digestionem inesse. Qui autem nullum alium liquorem auro soluendo efficaciorē, quàm argentum viuum asserunt, hac ratione mouentur, quòd aurum Epsefi seu elixatione solui oporteat, non secus ac carnes aqua elixari, Argentum autē viuum aquæ comparari, Quippe quòd humoris, qui solutionis sit causa efficiēs, multam habeat quantitatem. Hac etiā de causa à siccis mineralibus per sublimationem alterari non oportere. Hanc opinionem mordicū tuctur Bernardus Treuirensis in Epistola ad Thomā de Bononia medicum regis Caroli octaui missam. Nec desunt etiam alijs au-

thoritates doctissimorum philosopho-
 rum. Verum in discutiendis diuersis his-
 ce & pugnantibus inter se opinionibus
 diutius immorari non est consiliū. Hęc
 enim omnia vnius generis & speciei
 sunt solis accidentibus inter se discre-
 pantia. Sed vt certò demonstraretur, quis-
 nam soluendo auro liquor efficacior e-
 rit, inspectandæ sunt causæ concretionis
 auri, contrariæ enim solutionis eiusdem
 erunt causæ. Atqui ex Aristotelis do-
 ctrina didicimus concretionis causam
 partim esse siccitatem terrei quod hu-
mido auri inest, ipsumque constringit,
partim verò frigus & siccum externū,
quæ vapores (qui sunt proxima metal-
lorum materia) intra saxa densant &
cogunt: Ergo humidum internum &
humidum & calidum externum causæ
effectrices erunt solutionis auri in hu-
midam substantiam. Humidum autem
 hoc externum eiusdem naturæ oportet
 esse cum humido auri, quale est hu-
 midum argenti viui, vt vtrumque quā-
 titate superans siccum auri soluere &
 euincere possit. At quò minùs erit fri-
 gidæ qualitatis humidum hoc argenti

viui, eò promptiùs soluet aurum. Idcirco improbare nolim opinionem eorū, qui è plumbo, stanno, bisemuto aut stibio solent argentum viuum prolicere: Minus enim argento viuo vulgari frigidum est, & paulò magis digestum ac definitum est. Et audio multos ijs vti ad solutionem auri, & ex utroque misto tanquam vero semine opus perfecisse. Sed nec improbandus sum, si dixerò argentum viuum vulgare alteram esse seminis partem, si modò portunculæ auri mistum & verè vnitum prius fuerit. Tunc enim appellatur per translationem argentum viuum animatum, non quòd animam habeat, est enim inanimatum, sed quòd veluti anima calidū reddit animal, quandiu est in corpore, sic aurum argenti viui frigiditatem arceat & temperat, cum eidem verè mistū est. Lapidis enim philosophici seu falsi nostri aurifici (qui nihil aliud est quàm aurum longè magis auro naturali decoctum) minima portio infinitas argenti vitii partes à nimia frigiditate vindicat, & temperat. Huic argento viuo animato insistendum potius eo, quod

B. ex metallis arte prolicitur, hoc enim nō nisi magno artis ingenio multisque laboribus & sumptibus à metallis educitur. At ingentem argenti viui vulgaris copiam habemus, & facile purgari, & auro misceri eique vniri potest, vt mox dicam. Igitur vt quæstioni huic finis imponatur, argētum viuum è plumbo, vel stanno vel stibio arte prolicitū, vel vulgare præparatum & animatum (liceat nūc & posthac vocabulis artis vt vt omnia significantiūs dicantur) est altera pars seminis salis nostri aurifici. Et vtrumque mistum verum est semē eiusdem, sed imperfectum.

De perfectione vtriusque seminis methodus.

17. Superest vt perficiendi vtriusque seminis imperfecti methodum seu praxim dilucidē & compendiosē explicemus, quæ huic arti est propria, & quam huiuscę epistolæ titulus præ se fert. Verum vtrumque semen seorsim præparandum, & hinc miscendum, priusquā vtrumque mistum perficienti causæ scilicet calori externo subiiciatur. Præparatio hæc est dispositio & habilitas quædam ad suscipiendos perfectionis gradus sine vtriusque formæ interitu,

sed vt heterogenea secernantur, & purgetur vtrumque semen. Non secus ac periti agricolæ semina in terrā iacturi ea prius purgare & deligere solent.

18. Duo hæc semina huiusce artis antecessores barbaro vocabulo appellarunt Rebis, vt in Apologia dixi. Aurū vt semen masculinum, calidius & siccus, Argentum viuum, vt fœmineum, frigidius & humidum magis. Illud vt sulphur, hoc eodem nomine appellarunt: Ex quorum complexu perficitur lapis philosophicus seu sal noster aurificus. Primū de feminis fœminei præparatione, deque eiusdem animatione dicam. Nec verebor in re tam seria paululum à Latino vsu loquendi recedere, vt omnia significantius & facilius comprehendantur.

19. Purga argentum viuum vulgare terendo in mortario cum sale & aceto distillato dum in minimas partes diuidatur, hinc abluere. Purgationē & ablu-tionem toties repete dum cyaneum aut celestinum colorem contraxerit, quod perfectæ purgationis signum est.

20. Animatur hac methodo argentum

*Argenti
vini pur-
gatio.*

*Argenti
vini ani-
matio.*

viuum. Fac malagma ex purissimo auro in tenuissima fragmenta scisso & argento viuo purgato, vt solent efficere vasorum inauratores, scilicet ex vna auri vncia & duodecim argenti viui. Tere diutissimè malagma in mortario superfusa pauca aceti distillati quantitate, & abluere. Idque reitèra dum colore etiam cyaneo & cœlestino malagma insignitum, conspexeris. Hinc crassiori & densiori linteo malagma obuolutum exprime, vt totum transmeet. Quod si quid nō percolatum supersit, adde ei argenti viui purgati sextuplam partem. Et iterum tere, abluere, & exprime, & identidem repete dum totum effluerit per linteï meatus. Hoc autem cō fit, vt aurum in minutissimas partes diuidatur. Nondum tamen in tam minutissimas partes diuisum erit, vt per corij veruecini meatus transpirare possit, vt transmeet argentum viuum, strictiores enim sunt. Et tamen necesse est, vt tandem totum malagma eorum expressione perfluat, & aurum argento viuo verè misceatur & vniatur. Cum igitur totum malagma ex duodecim

argenti viui aut pluribus & vnica auri compositum fuerit, & linteo percolatum, include vase vitreo figuram oui habente, cuius tertiam partem malagma occupet, reliquæ partes vitri sint vacuæ: Et vitro obturetur vasculum. Languido atque imbecillo & æquali calore concoque & dissolue in fornace apta per quadraginta dies, intra quos nigredinem in superficie conspicias supereminentem, quæ signum est perfectæ dissolutionis auri in argentum viuum. Aperi vas & malagma corio obuolutum exprime, Et si totum effluerit, bene quidem. Sin minùs, pende stateris quod effluxum non est, & si vnciam, vt puta, pendeat, adiunge recentis argenti viui præparati vncias nouē. Tere, & ablue. Et rursus include vasculo vitreo, & vitro obserato, & rursus concoque vt priùs, dum in superficie supereminentem videris nigredinem. Quod breuiori tempore fiet. Hinc vitreo vasculo aperto, corio obuolutum malagma & expressum percoletur. Atque hæc opera identidem repetantur, dum totum malagma per corij meatus

48 DE RECTA ET VERA, &c.
expressum effluxerit. Sic aurum in per-
exiguas partes sectum erit, Nondum
tamen verè mistum & vnitum vtrum-
que est. Sæpius autem effluxum ma-
lagma terendum, abluendum & per
corium percolandum est, vt totum in
vaporem faciliùs feratur. Ipsū igitur
in vas vitreū obtortū & luto tena-
ci munitū ad mediā vsque partē
destilla lento calore primū, deinde
aucto, tandem violento atque ignito, vt
aurum vnā cum argento viuo expiret,
atque in vas recipiens dilabatur in ar-
gentū viuum fluxile. Maximā enim
tum materiæ tum formæ similitudinē
aurum & argentum viuum obtinent,
Et cum aurum in perexiguas partes
vt argentum viuum rarefactum fuerit,
& vincatur quantitate argenti viui, ne-
cesse est alterum ab altero non distra-
hi, sed igne agente vnā sursum in vapo-
rem ferri. Quod si forsitan quidquam
auri vasis imo superesset, eadem ope-
ra, quæ superius, repetenda sunt addito
nouo argento viuo, Eaque toties dum
totum destillatum fuerit, nisi forsitan
sordes aliquæ subsederint, quæ inutiles
&c.

& abijciendæ sunt. Hoc est verum semen foemininum, & animatum metaphorice, quod soluendi auri potestatem habet. Ipsum est pars altera seminis salis nostri aurifici. Hoc est argentum viuum quod suum appellauimus in Apologia nostra, quippe quod aurum verè mutatum sit in argētum viuum per argentum viuum vulgare. Quod quidē argentum viuum auri est oleum & vera tinctura occulta. Ipsum est quod antiqui Azot appellauerunt scilicet argētum viuum à corpore auri extractum. Educitur autem eadem ratione qua carnes elixatione in iusculum soluuntur & mutantur. Ipsum est denique cuius beneficio diximus argentum viuum vulgare libentiùs coire cum calce auri, quàm aquam aquæ misceri. Idem argentum viuum animatum augetur in infinitum si auro rursus & nouo argento viuo admisceatur ea qua diximus arte. Appellatur etiam menstruum, a- *Menstruum* ectum acerrimum, quod efficit aurum esse merum spiritum.

21. Semen autem masculinum seu altera eiusdem seminis salis nostri auri- *Præparatio auri vt fiat calx.*

fici pars, est aurum in calcem tenuissimam redactum, quæ paratur hac methodo. Fiat malagma ex vnica auri vncia & duodecim argenti viui præparati vt superius diximus, & eadem diligentia linteo crassiori percolatum dū totum transmeet. Hinc exprime in corio. Et quod supererit non effluxū, est aurum cum argento viuo, cuius figura erit vt globus. Nihil enim per corij meatus ex auro effluet, sed totum erit in globo. Globum hunc in vitreum vas iniice, & distilla lento igne argentū viuum, dum totum stillauerit. Effracto vase tere aurum quod subsidet minutissimè cum distillato argento viuo, & rursus distilla. Contritionem & distillationem toties reitera, dum aurum in perexiguas partes redactū sit. Quas rursus tere, & per incerniculū setacerū angustissimis foraminib⁹ contextū cribra, & quod excretū non fuerit, rursus tere & cribra, eademque opera repete dum totum excernatur in puluerem tenuissimum. Quem vitreo vase luto munito include, & calcina moderato igne per triduum. Hinc à vasculo exime. Et

si puluerem tenuissimum vt farinae flo-
rem conspexeris, rectè quidem. Sin mi-
nùs, reitera dum signum hoc consecu-
tus fueris. Hinc super hoc puluere in-
funde aquam vitæ, quæ tota ardeat, &
distilla lento igne. Distillatam aquam
rursus infunde, & rursus distilla, idque
septies repete. Sic veram auri calcem
habebis vt argento viuo animato mis-
ceatur. Calcinatio hæc & in puluerem
tenuissimum reductio est necessaria,
tùm vt faciliùs argentum viuum suum
combibat, tum ab eodem coctione in
puluerem impalpabilem promptiùs re-
digatur. Cum enim huiusce artis sco-
pus sit aurum in naturam salis mutare,
necessè est qua possumus arte ipsum
rarefacere & attenuare. Omnia enim
(inquit Geber) verè calcinata ad natu-
ram salis approxinant. Et quantò te-
nuius fuerit ante coniunctionem cum
semine sceminino, tantò faciliùs & ce-
leriùs soluetur in argentum viuura, at-
que hinc coctione in puluerem.

22. Præparata hæc semina primùm
misceri oportet mathematicè & per cõ-
tiguas partes, deinde post absolutam

*Aqua vitæ
mixtio.*

*Coniunctio
& prima
vtriusque
seminis
mixtio.*

52 DE RECTA ET VERA, &c.
præparationem naturaliter & per cōti-
nuas pātes vera vnione. Hæc enim lex
est & ordo omniū quæ tādē verē mis-
centur, vt primū se tangant pātes
seruatis formis prioribus integris in mi-
stione, & deinde alterentur, postremò
vniantur. Coniunctio hæc mathema-
tica & prior sic fit. Calcem hanc
auti conijcito in vasculum testaceum
quo aurifabri aurum colliquare solent,
& alio vasculo cooperi, ne carbonēs in-
tus decidant aut quidquam aliud, &
carbonibus accensis obrue vndique dū
vasculum sit ignitum, & vehementer
excandescat, ne tamen calx auri lique-
cat. In aliud testaceum vas conijce o-
cto vncias argenti viui animati, & car-
bonibus vas circum septum sit, & tandiu
excoque, dum argentum viuū expira-
re coeperit. Statim in argentum viuū
animatum conijce calcem auri incan-
descentem, & baculo agita, & moue, dū
tactu perceperis vtrumque per exiguas
partes permistū & malagmatum. Hinc
conijce malagma in vasculum ligneū
aqua refertum. Abhinc malagma il-
lud tere, & rursus ablue, & exsicca vt

omnis humiditas euanescat. Deinde exprime obuolutum in corio. Qui supererit globus, est semen salis nostri aurifici futuri, ex masculino & foemineo mistum cum iusta vtriusque proportionē. De qua tamen plurimi dubitarunt, & diuersæ de ea fuerunt sententiæ. Sed natura duce nusquam aberratur. Quantum enim seminis animati necesse est, calx auri retinet. Quod superfluum est, per corij meatus effluit. Globum hunc quatuor vncias plus minusuè pendere conspicias. Itaque calcis aureæ vnica est vncia, argenti viui animati tres, vel circiter. Nec tamen si plures tribus vncijs argenti viui animati miscerentur vsque ad quinque, quidquam esset periculi. Semen enim celerius solueretur, sed tardiùs concrefceret & coagularetur.

23. Præparata sic semina & iusta naturæ proportionē mista priusquam perficienti causæ subijciantur, loco proprio includenda sunt. Est enim locus necessarius, qui perfectionem adiuuet. Semina animalium non nisi in matrice perficiuntur. Oua in cortice, fructus geniti

Locus quo semen includendum est.

in terra. Extra hæc loca corrumpuntur. Locus igitur feminis nostri est ouum vitreum, id est vasculum ad oui figuram conflatum. In hoc collocandus est feminis globus hac proportionem, ut tertia vasculi vitrei partem globus occupet, reliquæ partes sint vacuæ, quibus argenti viui vapores, si qui forte conscenderint, contineantur, nec distrumpatur vasculum. Verum vasculi os vitro obstruendum est, non secus ac foetus animalium in utero, & albumen & luteum oui cortice includuntur, ne quidquam respiret. Est enim in argenti viui animati semine vapor & spiritus quidam tantæ tenuitatis & subtilitatis, ut etiam si expirauerit, oculorum obtutum effugiat. Estque altera cum calore externo perficiendi causa, Qui si euolauerit, actum est de opere, non secus ac pertuso oui cortice, perit foetus pulli. Nec cohiberi potest illius fuga & exspiratio, tuto aliquo terreo quantumvis denso compacto & solido, sed solo vitro, quod densissimum est & meatibus caret.

24. Existimauerunt autem plerique seminem nostrum in salem autificum per-

Sophisticus perficiendi modus quorumdam.

ficiendum esse ea via ac methodo, qua ex omnibus corporibus mistis igneo calore proliciuntur sales, igne scilicet in varias substantias eadem corpora distrahendo, sicuti superius ex lignis in cineres versis sales lixiuio educi diximus. Idcirco ex varijs corporibus aquas acres proliciunt, quarum vi soluunt aurū in liquorem, quem deinde distillant, & distillatum rursus in dissolutum infundunt. Deinde calore languido cogunt, & quod superest, salem nostrum aurificum esse opinantur, Infinita quoque alia opera agunt, quæ omnia vana, inutilia, & sophistica sunt, & plus opinionis quàm veritatis obtinent. Natura vbi primū semen produxit, in varias substantias non distrahit, sed perficit: Nihil femini detrahit, sed totum perficitur. Quod magis perspicuum est in ouo, quod semen est pulli, & pullus imperfectus. Sic naturæ opera imitando, vbi primū de semine salis nostri aurifici constiterit, quodnam, & quale sit, in varias substantias secerni aut diuidi non oportet, sed sola concoctione perfici, & totum in naturam salis fusilis mutari.

Hic est totius Chryſopœiæ ſcopus in producenda efficiente cauſa, quæ argentum viuum & reliqua metalla perficit in aurum calore igneo adiuuante.

Gradus perficiendi ſex. 25. Perficiendi autem gradus ſunt ſex numero, Diſſolutio, Coagulatio, ſeu In-
 craſſatio, Fixio prior, Fixio poſterior, Calcination, & Inceratio. Dixi gradus eſſe plures, cum enim definierim perfectionem eſſe ſeminis iam orti promotionem ad poſtერიoreм formæ actū, non ſtatim perfectiō illa cōſummatur, vt actus prior ſeu forma, quæ cum ſit præcipua ſubſtantię pars, gradus non ſuſcipit. Sed actus poſterior gradus ſuſcipit, vt qualitates. Sic fructus orti ex arbore priuſquam ad maturitatem peruenerint, gradus perfectionum ſuſcipiunt. Medio enim tempore perfectiores priori, & ſic deinceps, dum ad extremam maturitatem peruenerint. Sic in ſemine noſtro aurifico perficiendo neceſſariō iudicandum eſt. Cum autē calor externus ſit cauſa efficiens perfectionis, & ſex ſint eiufdem gradus, quinque priores quinque etiam caloris gradibus progreſſum habēt. ~~Posterior~~

~~habent.~~ Postremus est reiteratio horū
quinque graduum. Semen autem, dum
perficitur, loco mouendum non est, nec
quidquam distrahendum, vt in operi-
bus sophericis fieri solet, sed solis quin-
que caloris gradibus committendum.

26 Dissolutio igitur, primus perfectio- *Dissolutio.*
nis gradus, est calcis aureæ, quæ est al-
tera seminis pars, in argentū viuū redu-
ctio, quæ fit calore primi gradus, nec-
non spiritus & vaporis vi, qui argento
vivo inest, sicut in animalium semini-
bus, in ouis, & in granis frumenti satis
fieri conspiciamus. Hoc enim caloris
gradu, malagmatis globus, qui primū
duriusculus erat, mollescit, & soluitur:
Et solutione peracta totum videtur in
vitreo vasculo argentum viuū cras-
sum, & velut putre. Signum dissolutio-
nis perfectæ est nigror, potissimū in
superficie eminens. Calor enim agens
in humidum nigrorem efficit. Dissol-
utio hæc ferè quadraginta dierum spa-
tio absoluitur. Est autem eadem Dis-
solutio quædam Epsefis seu elixationis
species. Vt enim carnes elixatione in
ius soluuntur calore in humido aqueo

existente, sic aurum calore in humido
scilicet argento viuo agente.

*Coagula-
tio.*

27. Succedit Coagulario seu increas-
fatio, quæ est seminis in argentum viuū
fluidum soluti inspissario, induratio, &
exsiccatio, quæ fit vi caloris secūdi gra-
dus vt causæ efficiētis, & vi terrei, quod
calci aureæ inest, cuius proprietas est
desiccare & cogere. Primū enim cū
argentum viuū quantitate superaret
humidum eiusdem calcis aureæ, neces-
se fuit siccum euinci, & in crassiusculā
& putrem argenti viui consistentiā sol-
ui. At calore aucto vapor ille tenuissi-
mus argenti viui in auras per vacuas
vasculi partes velut euanescit, & cogi
& spissari humidum necesse est, nō se-
cus ac oleum diuturno calore increassa-
tur abeunte tenui spiritu. Siccum autē
calcis aureæ combibens argenti viui
humidum multū adiuuat & cogit.
Sic ex iisdem causis humore viscoso
& humido primū lapides in corpori-
bus animalium perficiuntur, sicco ter-
reo, qui humori inest, vt materia, calore
verò externo vt causa efficiente. Sic e-
tiam conspicies sensim semen solutum

inispissari & increassari, & in lapidem solidum constringi & cogi. Quod ferè etiam quadraginta dierum spatio euenire solet. Interim semen colorem nigrum seruat, sed & idem intendetur in nigriorem. Hæc concoctio est quædam optesis seu assationis species, sicut & reliquæ posteriores.

28. Humidum hoc seminis nostri cū *Fixio seminis prior.* nondum sit definitum neque vnitum hac concoctione sed volatile, calore tertij gradus definiendum & figendum est. Idcirco succedit fixio. Est autem fixio auctore Gebro rei ab igne fugientis conueniens ad tolerantiam eiusdem adaptatio. Cuius inuentionis causa, inquit, est vt omnis alteratio omnisque tinctura perpetuetur in alterato & non mutetur. Quæ etiam defini potest, vt sit indefiniti & interminati humidi in semine existentis definitio & euictio, vi caloris tertij gradus facta, siccitate etiam, quæ terreo seminis inest, agente. Fixio hæc ferè quadraginta etiam dierum spatio peragitur. Conspiciuntur in hac concoctione varij colores, qui tandem omnes in candidum & niueū

desinunt. Et albedo hæc verum est fixationis signum. In hoc colore aiunt corpus, spiritum, & animam verè vniri & figi, Quod nihil aliud est quàm æqualis elementorum omnium seminis proportio, vnio, & perfectio fixa. Hoc semen perfectum argentificum appellatur, quòd in argentum viuum proiectū illud sistit, figit, & perficit in argentum verissimum. Verùm hæc fixio prior appellatur, quæ licet simpliciter & absolute accepta perfecta sit, tamen fixationi salis nostri aurifici comparata indefinita atque imperfecta est, nec salis seu lapidis nomen meretur.

Fixio posterior. 29. Itaque fixatione priori absoluta succedit ex ordine fixio posterior. Quæ est humoris insiti & indefiniti in humido seminis perfecta & absoluta concoctio & euictio, vi caloris quarti gradus facta. Hoc caloris gradu semē varios colores non cōtrahit, sed albedo in citrinum & luteum primū mutatur, hinc sensim in rubrum. Ex varia enim humoris concoctione variij colores emergunt, Sed vbi primū concoctus fuerit, albedo apparet, quæ vi ignis in

flauum, & ex flauo in rubrum tandem mutatur, Quod in sandaracha & ochra, cum concoquuntur, perspicuū est. Terreum enim subtile purissimum, quod est in semine concoctum & non exustum, est actu candidum, sed potestate rubrum, & tale vehementiori concoctione continuata euadit, & totum suū proprium humidum colore rubeo inficit & tingit. Semen hoc candidum longissimo temporis spatio in solidam massam persistit, & tandem continua concoctione sensim diruitur, & in puluerem rubrum mutatur. Hic autem quartus concoctionis gradus ducentis quadraginta diebus absoluitur. Nec de gradu caloris pertimescendum est, cum iam fixum sit semen post albedinem, sicut ante eandem perfectam periculum erat in caloris gradibus obseruandis, cū nondum fixum & vnitum esset vtrumque semen.

30. Et si autem humor huiusce seminis quatuor his gradibus caloris euietus sit, non tamen omnino, nec ita vt salis naturam etiam omnino obtineat. Est enim salis natura siccissima & omnis

*Calcinatio
seminis.*

humoris expers, Sal enim pura est terra. Est etiam natura salis vt humido frigido solvatur, quòd calido sicco concreuerit. Nisi igitur omnino sit euictus humor, verè salis naturam non obtinebit, nec in humido aqueo soluetur: Quod tamen necessarium est. Sal enim noster autificus, cum summum sit medicamentum corporibus humanis, in omni liquore solutilis est, cum agro deglutiendum exhibetur. Præterea pulvis ille quarti gradus concoctus habet nescio quid impuri & terrei commistum, quod non est ex natura & proportionem salis, Et ex pulvere rubro educendum & excernendum est. Hęc pulueris rubri perfectissima & absoluta concoctio & ab impuro terreo vindicatio fit calcinatione, & quinti & postremi gradus calore. Est enim Calcinatio, ex definitione Gebri, rei siccæ per ignem pulverisatio per priuationem humiditatis partes consolidantis. Rectius dicendum videbatur per concoctionem absolutam humoris indefiniti. Causam autem calcinationis subiicit esse, vt pulvis melius & perfectius figatur, & facilius solvatur.

in aquam. Omne enim calcinati genus fixius esse & facilioris solutionis quàm non calcinati experientia docet, Quoniã corpus in exiles & in minimas partes attenuatum faciliùs miscetur cum aqua, Itaque cum calore externo hoc effectum sit, faciliùs in aquam soluetur. Hac autem calcinatione pulvis noster intumescit in modum fermenti ob calorem igneum diuturnum, cuius vi in perexiles partes diductum est, Et terra quædam impura in imo vasis subsidet, & re ipsa à rubro pulvere secernitur, Quæ abijcienda est, non enim est ex natura salis. Eandem vilem, damnatã, & vituperatam appellant, Estque reliquarum substantiarum ^{non} efficacium veluti fex inutilis, & ex genere terræ quæ calore excellenti in vitrum liquatur. Tereo autem vase perficienda est hæc calcinatio octo dierum spatio. Sic verissimum salem aurificum rubrum habebis, cuius color erit vt sanguinis adusti. Et in omni liquore soluetur. Omnia enim verè calcinata, vt diximus, ad naturam salis approximant, Ideoque in proprietatibus sese concomitari necesse

est, Est autem salinū natura, quod aqueo liquore solvuntur.

Ceratio

& solutio.

31. Hæc quamvis ita se habeant, non tamen sal noster absolutam & cōsummatam omnino perfectionem consecutus est. Nam inter cæteras proprietates quibus præditū eum esse necesse est, ea est, vt facilimè & celeriter igne liqueatur tanquam cera, sitque tenuissimæ cōsistentiæ in fusione veluti aqua. Alioqui enim penetrandi & subeundi densissimas argenti viui partes aut metallorū non obtinebit, Ergo in ea proiectus nō perficiet. Atqui tam diuturna coctione concretus, & alteratus sal noster aurificus, hac fusili & subita proprietate caret, Ergo ei restituenda est. Mirum autem videri non debet, si prius dixerim salem nostrum aurificum in quouis liquere solui, hīc quoque calore liquari, Quod contra Aristotelis regulas dictū videtur. Quæ enim, inquit, calido sicco concresecunt, eadem frigido humido solvuntur, vt sales. Quæ verò frigido coquuntur, eadem calido solvuntur vt metalla. Sed experientia docet salem communem non solum in aqueo liquore

quore solui, verumetiam igne. Si enim
 sal vt argentum testaceo in vase liqua-
 tus fuerit, conspicias eum solutum, vt
 aquam puram, Et in canaliculam pro-
 iectus frigore² concresecet, vt metallū.
 Sic & in ceteris salibus accidit. Quod
 si saepius solutione ab aqua, filtratione
 & coagulatione purgentur, tandem ca-
 lore leui vt cera fundentur. Eadem ra-
 tione pulueri nostro aurifico fusionem
 celerrimam comparandam esse quidā
 existimarunt. Sanè humido salem no-
 strum fusione carentem solui necesse
 est, at non in aquæ liquore. Non enim
 sal noster sola faciliq̃ue fusione indi-
 get, vt omnino perficiatur, sed humido
 quod illi in centro vniatur, & cum eo
 figatur, vt ipsum à vitrificatione tucā-
 tur. Aqueus autem liquor hoc præsta-
 re non potest, Nulla enim arte figere-
 tur cum sale nostro. Idcirco & soluen-
 dus simul & incrandus. Est enim Ce-
 ratio postremus perfectionis gradus:
Quam Geber definit esse rei duræ non
fusilis mollificatio[†] ad liquefactionem, *+ nem*
 Cuius inuentionis causam esse ait, vt
 quod ingressum ex priuatione suæ li-

66 DE RECTA ET VERA, &c.
quefactionis non habebat in corpus ad
alterationem mollificaretur vt flueret,
Et vehementer errare & hallucinari
eos, qui cerationem ex oleis & aquis
liquidis fieri existimant, sed cam ex spi-
ritibus fieri oportete. Appellat autem
spiritus argentum viuum. Et sanè hanc
solutionem & cerationem pulueri &
sali nostro præstat argenti viui animati
mistio, Cuius hæc est methodus. De-
narium seu vigintiquatuor grana pul-
ueris misce cum quatuor denarijs ar-
genti viui animati, vt fiat malagma:
Quod vitreo vase ad figuram oui cõ-
flato includito, & vitro obsera: Et qua-
tuor prioribus ignis gradibus concoque
eo ordine, quo puluis elaboratus est. Et
triginta dierum spatio omnes colores
fese prodent, qui nouem mensium tem-
pore antea conspicui facti sunt. Idem
opus repete septies addendo pulueri
quatuor partes argenti viui animati.
Breuiori autem temporis spatio opus
iteratum conficitur quàm vice prima.
Quod enim iam sal est, celerius solui-
tur quàm quod sal nondum est, sed esse
potest. Sic salem aurificum perfectissi-

mum seu lapidem philosophicum habebis, fixissimum, fusilem vt ceram, tenuissimum vt aquam, penetrantem, tingentem, transmutantem, & perficiẽtem omne argentum viuum tam vulgare quàm quod corporibus metallicis inest in verissimum aurum. Signum perfectionis salis hoc erit, si illius granum in laminam argenti ignitam proiectũ statim liquabitur, & partes argenti interiores subierit, lateque sese quaquersum diffuderit, vt oleum, & colore aureo intus & in superficie infecerit sine vlla expiratione in vaporem. Quod autem detractis viginti quatuor granis supererit, eadem ratione & methodo perficies. Primũ autem vigintiquatuor tantũ grana detrahuntur, quòd vna quaque reiteratione operis augeatur quantitas additione & mistione noui argenti viui. Et si primũ plura ex massa quàm vigintiquatuor grana decerperentur, sub finem septimæ reiterationis maior esset moles, quàm vt cõcoctioni sese dederet.

32. Et si autem substantiæ neque intendantur, neque remittantur, tamen

Accretio salis aurifici tam in quantitate quam facultate & viribus. ipsæ per qualitates tanquam per instrumenta agunt. Et cum qualitates intendi & remitti possint, per has sal noster fusilis acutiùs aut hebetiùs agit. Idcirco antecessores admirabili arte inuestigant saltem nostrum aurificum seu lapidem philosophicum fusilem & quantitate, & viribus seu facultate agendi augere. Huius incrementi duplex est ratio seu methodus. Altera est, ut eiusdè salis iam perfecti sumatur vncia, eique duodecim argenti viui animati vnciæ admisceantur, solvantur, & distillantur, hinc quatuor vnciæ huiusce argenti viui animati misceantur vnicæ vnciæ salis nostri perfecti, Et quatuor caloris gradibus concoquantur. Posterior verò methodus & magis compendiosa est, ut portiunculam salis nostri perfecti in argentum viuum vulgare proijcias. Ex hoc auro (quod philosophicum appellamus) summa arte argentum viuum prolicito, illiusque vnciam vnā vnciæ vnicæ salis nostri perfecti misce, Et quatuor caloris gradibus concoque. Et breuissimo temporis spatio omnes colores conspicias, quos conficiendo salē

nostrum aurificum primùm conspexi-
sti. Intensio enim est gradus qualitatis
radicitus magis infixæ in eadem parte
subiecti, hac enim reiteratione sal totus
redditur igneus, & tenuissimæ & subti-
lissimæ consistentiæ. Ignis autem &
quæ ignea sunt, plus actionis obtinent:
Et quo tenuiora, eò promptiùs & celer-
riùs penetrant & subeant partes inte-
riores. Ergo quò sapius iteraueris, eò
plùs incrementi tam quantitatis quàm
virium & facultatum posteriori pulue-
ri accedet.

33. Hæc agendi methodus antiquis
versibus his præscribitur.

*Priscorū
sententiæ
obscuræ de
lapide phi-
losophorū.*

*Si fixum soluas, faciasque volare
solutum,*

*Et volucrem figas, faciam te vivere
tutum.*

Coniuncta disiunge, disiuncta reiunge.

*Liqua duratum, dura liquatum, di-
cam te beatum.*

*Arsenicum fore dic animam, sed spi-
ritus extat,*

Argentum viuum, Calx corpus dicitur esse.

Per fixum intelligitur aurum. Solutio illius est per argentum viuum vulgare aut aliud in argentum viuum reductio. Solutum autem euolat, cum vtrumque vi ignis distillatur in argentum viuum, & in vas recipiens delabitur. Volatile autem figitur, cum quatuor eiusdem partes parti calcis aureæ miscentur, & concoctione figuntur. Coniuncta autem disiunguntur, cum partes auri solidæ soluuntur. Iunguntur autem iterum, cum solutæ partes figuntur, Arsenicum est anima, id est aurum in argentum viuum solutum. Spiritus est argentum viuum, vel vulgare, vel ex cæteris metallis arte prolicitum. Calx est aurum in calcem reductum. Nec longè abest ab his quod dicunt, *Azot* & ignem huic operi sufficere. *Azot* enim est aurum in argentum viuum crassiusculum solutum, quod concoctum & fixum igneo calore temperato, est lapis noster, seu potius sal aurificus fusilis & fixus. Quin & ex his quæ dixi-

Azot s. 49.

mus, quæcunque à veteribus ænigmati-
cè scripta sunt, facile quivis intelligere
poterit. Tandem verò superiorem me-
thodum paucis verbis comprehendit
Geber libro summæ perfectionis, cap.
30. & 43. Totius operis intentionis
summa est, inquit, vt sumatur lapis in
capitulis notus, & eius additamentum,
id est aurum in oleum seu argentū vi-
uum conuersum, & subtilientur donec
in vltimam subtilitatis puritatem de-
ueniant, Et vltimo vtrumque fiat vola-
tile fixum, Et fixum iteratò solutum, &
solutum volatile, & volatile fixum: Et
in hoc ordine compleri arcanum, quod
est pretiosissimum, & quod est super
omne huius mundi scientiarum arca-
num, & thesaurus incomparabilis.

34. Quantæ autem fuerint salis no-
stri aurifici vires & facultates, sola ex-
perientia demonstrari potest. Granum
enim pulueris in emundatum & pur-
gatum argentum viuū proijcitur, quod
non in metallum primò, sed in pulue-
rem vertitur, cuius vis tamen immuni-
tur: Et huius pulueris postremi pars in
aliud argentum viuum proijcitur, to-

*Proiectio
salis nostri
aurifici in
argentum
vium.*

72 DE RECTA ET VERA, &c.
tiefque ex postremo puluere fit proie-
ctio, dum non puluis sed metallum cō-
fletur. In miftione enim qualitates
igneæ calidæ & ficcæ pulueris nostri
aurifici pugnant cum qualitatibus fri-
gidis & humidis argenti viui, nec nisi
certa proportionē qualitatum agētium
& patientium argentum viuum tam
vulgare quàm metallorum temperatur
& perficitur in aurum.

35. Forſitan dubitabunt plerique, qui
audient profiteri nos argentum viuum
vulgare quantumuis animatum eſſe al-
teram ſeminis partem, tum quòd æger-
rimè aurū vnà cum illo in ſubline fera-
tur, vniatur, & animetur, tum quòd hu-
miditatem impenſè indefinitam & in-
terminatam habeat, Poſtremo etiam, ſi
idem ipſum alteram ſeminis partem
conſtituat, vtriuſque ſeminis perfectio
in longiſſimum tempus protrahetur.
Itaque vel ex ſtanno, vel plumbo, vel
ſtibij regulo (ſic enim quod ſubſidet,
dum purgatur, appellant) prolicitum
argentum viuum præſtantius & com-
pendioſum, magis iudicabunt. Quorū
opinioni parum aduerſabor, imò facile
ſubſcribam,

subscribam, præsertim si ex stibij regu- *Argētum*
 lo diducatur argentum viuum, Maxi- *viuum ex*
 mam enim totius substantiæ similitu- *plumbo*
 dinem habet cum auro. Sed hoc ani- *stanno &*
 maduertendum erit, ex vario argenti *stibio edu-*
 viui temperamēto priores caloris gra- *Etum est e-*
 dus intendendos aut remittendos esse. *tiā altera*
 Scopus enim est humidum sicco vni- *pars semi-*
 re, & vtrumque figere fixione firma &
 solida. Hinc in obseruatione vniuscuiusque gradus caloris externi hæc est
 lex, vt sit æqualis calor, & temperatus,
 qui semen vtrumque mistum alterare
 possit, at non in vaporem rarefacere. Si
 igitur argentum viuum vulgare ani-
 matum misceatur auro, remittendus e-
 rit caloris gradus initio operis, est enim
 magis indefinitum & volatile: Sin ex
 cæteris argentum viuum arte prolici-
 tum eidem auro misceatur paulò intē-
 sior adhibēdus erit caloris gradus. Hu-
 iuscemodi enim argentum viuum cum
 sit crassius, magisque à natura decoctū,
 maiorem vim ignis tolerat, nec tam fa-
 cilè à calore igneo euolat in fūmum,
 vt vulgare. Hoc autem argētum viuū
 ex plumbo, stanno, & regulo stibij e-

74 DE RECTA ET VERA, &c.
ducitur ea via ac methodo quam Ge-
ber in sublimatione Marcasitæ docet.
Ignis enim excellentis vi fertur sur-
sum vapor quidam siccus, qui lateribus
vasis frigido densatur & cōcrefcit, hinc
exemptus & oleo tartari maceratus, lo-
tus, & tritus emergit argentum viuum
fluidum veluti à terrena fece vindicatū
& purgatum. Hanc proliciendi argenti
viui methodum prisci illi huiusce artis
professores omnes filētio praterierunt,
nec vsquam scriptis prodiderunt, Et
consultò quidem. Est enim totius ope-
ris arcanum, & aditus ad posteriora.
Sed quid iuuat posteriora hæc apertif-
simè illos patefecisse, priora autem oc-
culuisse?

36. Hæc est igitur dilucida, recta,
vera, atque compendiosa conficien-
di salis nostri aurifici seu lapidis philo-
sophici ratio, cuius vis & facultas est
argentum viuum necnon reliqua me-
talla in aurum verissimum perficere.
Aurum potable Est etiam verum aurum potabile, quòd
in omni liquore soluatur: Et, vt aiunt,
præstantissimum est & accommoda-
tissimum profligandis morbis despera-

tis remedium. Huic soli soli aurifico insistendum esse potissimum tutius esse semper existimaui.

37. Verum non pauci ~~de~~erunt, qui aurum sine argento viuo soluisse, & sine hoc sale aurifico seu lapide philosophico etiam se aliquid præstitisse, & experientia comprobasse affirmabunt, & breuiori quidem temporis spatio. Quibus ut respondeam, non inficiabor, sales quosdam arte in aquam & liquidam consistentiam verti posse, idque expeditiùs quàm aurum ab argento viuo soluitur. Quarum aquarum vi & facultate accerrima aurum in liquorem quendam solutum apparet, sed verè solutum non est, nec naturam exuit metallicam. Eousque enim solutum conspicitur, dum liquorem salsum retinet, qui verè auro mistus non est, nec vnitus. Dissimiles enim naturæ nõ vere miscentur. Itaque liquor ille saluginosus igne violento depulsus in vaporem rarefcit & effertur sursum, aurum autem imo vasis ut puluis fuluus aut croceus fixus subsidet, qui chrysocola addita liquatur, & rursus sine in-

*Aurum vi
aquarum a-
crium sol-
ui quidem
posse sed
non verè.*

76 DE RECTA ET VERA, &c.
tertrimento in aurum redit. At argen-
tum viuum, quod alteram esse seminis
partem diximus, verè soluit aurum, ei-
que vnitur, & cum eo figitur in perpe-
tuum. Sunt enim eiusdem formæ, sed
non eiusdem temperamenti, aut potius
eiusdem perfectionis. Hac solutione &
vtriusque fixatione peracta, puluis aut sal
noster aurificus deinceps in aurum re-
dire non potest, nisi certa proportionem
in reliqua metalla aut argentum viuū
proijciatur. Sal enim hic est vera tin-
ctura & oleum fixissimum & tenuissi-
mæ essentia.

38. Neque etiam ierim inficias aurū
in liquorem hunc aqueum solutum vi
aquarem acrium perficere posse argen-
tum viuum & argentum in purissimū
aurum. Cuius effectus causam non tra-
diderunt, cuius ignoratione quod agūt,
nesciunt, & errorem emendare nō pos-
sunt. Quod nos præstare oportet, quā-
uis orationis nostræ institutum præter-
gredi videatur. Sed quemadmodū pi-
la vehementissimè commota reuocari
non potest, sic calamus eò inclinatus
est ^{vnde} ~~quo~~ auocari non potest, ^{non} ~~dum~~ omnia

quæ huc pertinent attigerit. Forſitan qui hæc perlegent ante aut poſt obitū noſtrum, noſtri memores erunt. Cauſa hæc eſt. Argentum viuum vt perficiatur, ſola concoctione eget, Eſt enim, vt diximus, aurum imperfectum & immaturum. Calor igneus externus ſolus concoctionem hanc efficere nō po-
teſt, Non enim argento viuo miſcetur aut adhæret: Et neceſſe eſt aliquid ei-
dem adhære, quo retineatur, dum cō-
coquitur, ne in fugam vi ignis abeat.
Rurſus aurum, & ſi eidem adhæreat,
ipſum retinere non poteſt, tum quòd
ſit conſiſtentię craſſioris, quàm vt eiuf-
dem interiores partes ſubire poſſit, tū
quòd ante illius liquefactionem, cū tar-
dior ſit, ab ignis vi euaneſcat. Sed & ſi
argentum viuum ab auro retineretur,
non tamen ab eodem concoqueretur,
Concoctionis enim cauſa eſt calor &
qualitas ignea. Atqui auro qualitates
ignæ inſitæ non ſunt, quibus indefinitū
argenti viui humidum domare, defini-
re & euincere poſſit. At cum ab his li-
quoribus ſaluſuginolis ſolutum in liquo-
rem exiſtimatur (& ſi verè ſolutum nō

*Cauſa qua
aurum ab
acribus ſo-
lutū effe-
ctus pro-
ducit.*

fit, nec mistum) tamen hæc præstare potest, Non eadem ratione qua sal noster aurificus aut lapis philosophicus efficit, qui solus ex sese nullius alterius op^{is} indigus, nisi forte calore igneo adiutus perficit. Sed iuuatur aurum, & si naturam metallicam non exuerit, liquoribus illis acribus, Quibus solutum tenuissimæ efficitur cōsistētia, & liquefactionis facilimæ, vt cera, quandiu ei admisti fuerint. Neque enim hi liquores statim euolant, nisi vehementiori igneo calore, Tametsi quidam, vt Lullus, existimauerint eos perpetuò figi vnà cum auro. Quòd in animum inducere nusquam potui. Sed eorum fixio sufficiens est, quæ argentum viuum in ignis pugna retinere possit, dum ad naturam corporis peruenerit. Præterea hi liquores, cum nihil aliud sint quàm sales, & naturam salis obtineant, qualitatibus proprijs igneis humidum argenti viui seorsim concoquunt, definiunt, & tandem omnino euincunt. Argentum quoque, vt perficiatur, sola purgatione, & concoctione eget. Atqui hi liquores saliginosi vtrumque præstant. Mira

fanè est vis salium in toto hoc opere. At argentum cum sit aridius, indiget argenti viui mistione & vnione veluti glutino, cuius beneficio omnia auri examina subeat, & perpetiatur. Quòd enim humidum auri sit purum, viscosum & impensè à natura concoctum, nulla arte à suo sicco distrahitur.

39. Methodus vertendi aurum in liquorem multiplex est, Et passim apud authores præscriptam & euulgatam reperies. Sed hæc facilis est. Aurum in calcem redigatur ea via & ratione, quã in præparatione eiusdem diximus. Hinc soluatur aqua regia, id est aqua acri ex salepetræ & calchanto distillata, cui deinde sal ammoniatus infundatur, & tepido loco in eadem soluatur. Ab hinc destilla aqueum liquorem tenuiorẽ distillatione per aquam, quam Balneum Mariæ appellât. Distillationem septies repete, dum videris oleum rubrum in imo vasis, quod calore leui soluitur, depositum verò ab igne concrefcit, veluti gummi. Huic gummi misce quatuor partes salis ammoniaci puri, priusque per sublimationem purgati, & in aquã

*Methodus auri
Liquandi*

*Vide Supra
pag. 49.*

soluti: Et lāguido atque imbecillo igne
 concoque. Deinde humido loco solue.
 Hinc desicca. Et identidem hæc opera
 repete, dum calore sicco languido non
 concreseat, sed vt oleum crassum in eo-
 dem persistat. Huius olei vnciam misce
 quatuor vncijs argenti viui purgati,
 Et concoque in vitro vase apto octo
 dierum spatio, sensim caloris gradū au-
 gendo, dum vehementissimum adhi-
 bueris, & puluerem rubrum aut subcro-
 ceum conspexeris. Quem igne fusorio
 chryfocolla addita colliquabis in aurū.
 Verūm hoc expeditiūs fiet si globum
 ex auro & argento viuo confectum, vt
 supra docuimus, olei portiuncula deli-
 nitum contriueris & cōcoxeris. Postre-
 mō opus sceliciūs perages, si globum
 ex auro, argento, & argento viuo ex-
 presseris, eique olei eiusdem portiuncu-
 lam miscueris, contriueris, & concoxe-
 ris. Verūm hæc auri olea sali nostro au-
 rifico aut lapidi philosophico compa-
 rata nihili æstimanda sunt.

F I N I S.

